



RELATÓRIU TRIMESTRÁL FUNDU MINA-RAI NIAN

Trimestre ne'ebé termina iha 30 Setembru 2011

KOMUNIKADU IMPRENSA

Banku Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba dala Ruanulu-resin-lima ba trimestre ne'ebé termina iha loron 30 Setembru 2011 ne'ebé hatudu katak kapitál Fundu nian sa'e ba \$ 8.903,14 millaun kompara ho \$ 8.305,80 millaun iha fim Juñu 2011.

Relatóriu ne'e mós hatudu katak totál reseitas mak simu durante trimestre ne'e hamutuk \$805,85 millaun ne'ebé kompostu hosi kontribuisaun kontribuente sira ba Fundu hamutuk millaun \$ 323,18 no pagamentu *royalty* simu hosi Autoridade Nasionál Petróleu (ANP) millaun \$482,67.

Rendimentu hosi investimentu Fundu nian hamutuk millaun \$42,77 durante trimestre ne'e kompostu hosi, kupaun no jurus ne'ebé simu mak millaun \$61,63 no mudansa iha valór merkadu nian millaun -\$18,86. Ne'e rezulta rendimentu ba karteira Fundu nian durante trimestre ne'e 0.52%, enkuantu rendimentu sasukat (*benchmark*) nian ba periodu ne'e mak 0.44%. Rendimentu karteira durante trimestre ne'e mak 0.08% bo'ot liu rendimentu sasukat (*benchmark*) nian.

Lei Fundu Mina-Rai nian espesifika katak Banku Central de Timor-Leste, mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Mandatu ne'ebé fó ba BCTL laiha mudansa, katak, atu jere Fundu ne'e besik ba Indise sasukat *Merrill Lynch* tinan 0-5 Governu Estadus Unidus nian enkuantu BIS nia mandatu mak jere Fundu iha maneira retornu portefoleu titulus diversifikadu ho objetivu atu dezempeña liu referencia (*benchmark*) no mantein *ex ante tracking error* iha Pontu baze 100 nia laran.

Mandatu ne'ebé fó ba Schrodgers mak atu jere portofoliu iha maneira *enhanced passive indexing* no mantein *tracking error* ida-ne'ebé relativa ba sasukat ne'ebé normalmente laliu hosi pontu base 100, ho diferensa pezu ne'ebé mantein iha 0,5% (nivel asoens) no 2,5% (iha nivel nasaun no seitor). Laiha tempu ida mak *tracking error ex-ante* bele liuhosi pontu base 150.

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: info(at)bancocentral.tl

Banku Central de Timor-Leste jere ona portefoleu besik liu ho pontu referensia trimestre dala 25 dahuluk. Diferensia entre portefoliu no pontu referensia hahú hosi inísiu fundus nian mak pontu baze -2.

Pontu importante hosi Relatóriu Trimestre ba dala XXV, ne'ebé kobre período 1 Julhu to'o 30 Setembru 2011, inklui:

- Saldo balansu inísiu hamutuk millaun \$ 8.305,80.
- Reseitas durante trimestre ne'e hamutuk 805,85 millaun ne'ebé kompostu hosi reseita kontribuente sira hamutuk millaun \$323,18, reseitas *royalty* simu hosi ANP nian hamutuk \$482,67 millaun.
- Osan sai durante trimestre ne'e mak milaun \$251,26 kompostu husi transferensia ba Orsamentu Jeral Estadu hamutuk millaun \$250 no gastu hodi kobre kustu operacional nian hamutuk millaun \$1,26.
- Totál osan likídu ne'ebé tama ba Fundu durante trimestre ne'e mak millaun \$554,59 .
- Rendimentu portefolio mak 0.52% durante trimestre ne'e no rendimentu referensia (*benchmark*) mak 0.44%.
- Rendimentu investimentu durante trimestre ne'e mak \$42,77 millaun kompostu hosi jurus titulus nian millaun \$61,63 no alterasaun valor merkadu nian mak millaun. - \$18,86.
- Saldo balansu ikus hamutuk millaun \$ 8.903,14.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor- Leste www.bancocentral.tl

Ba informasaun adisionál bele hetan hosi:

Venancio Alves Maria

Diretór Ezekutivu

Jestaun Fundus Petróleu,

Banku Central de Timor-Leste

Korreiu-Eletróniku: venancio.maria@bancocentral.tl

Telefone: + (670) 3313718

Dili, 14 Novembru 2011